

Tshem Khoom Khib Nyiab Ntawm Yus Li Thaj Chaw

Release Date: Jun 28, 2024

Kev tshem khoom khib nyiab ntawm koj li thaj chaw yog koj txoj kev lav ris vim koj yog tus tswv thaj chaw thiab feem ntau koj txais tsis tau kev pab ntawm FEMA Lub Khoos Kas Pab Nyiaj.

Qee zaus FEMA txiav txim siab tau tias kev tshem khoom khib nyiab ntawm tib neeg thaj chaw yuav tsim nyog txais kev pab nyiaj yog tias cov khoom khib nyiab no nyob pawg lug yam uas yuav phom sij rau cov neeg nyob ib puag ncig, yuav raug lawv txoj kev nyab xeeb los yog yuav kom nyuaj rau lub zej zog rov zoo dua. Thaum muaj li no, FEMA yuav ua hauj lwm nrog cov nom ntawm lub xeev thiab lub zos kom xaiv ib lub cheeb chaw uas yuav tsim nyog txais kev pab nyiaj kom tshem khoom khib nyiab. Kev tshem khoom khib nyiab no yuav tsum yog kom pab lub zej zog sawv daws thiab yog tim kev puas tsuaj uas twb tshaj tawm txog lawm.

Kev tshem khoom khib nyiab los yeej nyuaj. Ua neeg tswv tsev, koj tshem tau khoom khib nyiab koj tus kheej los yog ntiav neeg los muab tshem dhau ntawm cov nyiaj txais ntawm lub koom haum tuav pov hwm. Koj kuj txais tau kev pab tshem khoom khib nyiab ntawm cov pej xeeb uas ua siab dawb pab, lwm lub koom haum thiab cov tuam txhab pab dawb. Piv xam li, Lub Cheeb Tsam Marion County, Arkansas muaj ib tug xov tooj tshwj xeeb uas yog rau tib neeg hu txog thaum lawv xav tau kev pab tshem khoom khib nyiab ntawm qhov cua daj cua cub.

Ntau zaus tseem fwm ntawm lub zos yuav teem ib hnuv los sau tag nrho cov khoom khib nyiab ntawm qhov cua daj cua dub uas nyob ntawm ntug kev uas cov tswv thaj chaw muab tso ntawd. Piv xam li, Lub Cheeb Tsam Benton County tau lav ntawv rau ib lub tuam txhab tuaj khaws zaub khib nyiab thiab cov khoom khib nyiab txua tsev thiab rhuav tsev nyob rau ntawm tej txoj kev uas raug cua daj cua dub. Kom thiaj kawm ntxiv txog qhov no, cov neeg nyob rau hauv Lub Cheeb Tsam Benton County mus saib tau [Benton County Storm Relief Information \(bentoncountyar.gov\)](https://bentoncountyar.gov).



FEMA

Page 1 of 2

Cov tswv yim tshem khoom khib nyiab ntawm yus li thaj chaw:

- **Coj xyuam xim.** Looj khoom tiv thaiv xws li hnab tes thiab ntaub npog ntsej muag thaum khaws khoom khib nyiab. Tiv tauj mus rau tus kws saib xyuas qhov kub ceev hauv koj lub zej zos yog koj xav tias cov khoom khib nyiab uas koj raug lawm phom sij rau tib neeg ib puag ncig. Thaum koj tab tom tshem khoom khib nyiab, ua zoo saib seb puas pom tej hlua fai fab. Yog pom lawd, tos txog thaum cov neeg tshaj lij tuaj khaws cia tso.
- **Nrug deb cov khes miv phom sij.** Yog koj xav tias cov khoom khib nyiab no muaj yam phom sij, ces muab ntim rau hauv hnab yas kom cov khoom phom sij no tsis ya mus. Txhob muab hlawv yog koj xav tias tej no phom sij.
- **Tiv tauj mus rau cov nom hauv zej zos** ua ntej tso khoom khib nyiab ntawm ntug kev rau lawv khaws cia.
- **Muab cov khoom khib nyiab tso kom deb** ntawm cov ntoo, cov ncej los yog cov khoom hauv av xws li cov pob dej tua hluav taws los yog cov twj ntsuas kev siv fai fab.
- **Txhob thaiv cov kev nrog cov khoom khib nyiab.**

Yog ua xyem xyav, tiv tauj mus rau koj lub zos tus kws saib xyuas qhov kub ceev kom txais lus qhia.

Kom tau cov ntaub ntawv nyuam qhuav luam tawm tshaj mus saib fema.gov/disaster/4788. Raws lub as khauj FEMA Region 6 nyob rau hauv X nyob tom X.com/FEMARegion6 los yog nyob hauv Facebook tom facebook.com/FEMARegion6/.

